



25.07.2022

UKA2022/33

Inatsisartut Suleriaasianni § 33 naapertorlugu aalajangiiffigisassatut siunnersuut imaattoq matumuuna saqqummiuppara:

Nivaap imartaata itisilernissaanut 2023-mi misissueqqissaarnissamut Naalakkersuisut peqquneqarnissaannik Inatsisartut aalajangiiffingisassaattut siunnersuut.

(Inatsisartunut ilaasortaq, Kristian Jeremiassen, Inuit Ataqatigiit)

Tungavilersuut:

Nivaaq imartaa ulikkaangat aqputigineqarsinnaavoq. Kujammut angalasoqarniarpat aammalu avannamut angalasoqarniarpat ulinngatillugu aqputigineqartartoq, naatsorsorneqartarporlu qaqugukkut ulissanersoq aqputigineqarniassammat.

Kujataanut avannaanulluunniit angalaniaraanni aqput naanneruvoq aammalu malleraangat isumannaannerulluni. Ikerasak Nivaamiittoq ulinnerani aqputigineqarsinnaavoq inuiaqatingiinnulli tamanut iluaqutaassaqaq itisilernerqarpat taamaalilluni ulinneriinnaani aqputigineqassaassooq.

Nivaap imartaata itisilernissaa misissuiffigineqarnereerneratigut periarfissat annertunerulissapput, massakut nivaaq umiatsianik taamaallaat ulinnerani. Ingerlaffingineqarsinnaavoq. Ulinnissaa utaqqingikkaluarlugu imartap itisilernissaa pisariaqarpoq.

Nivaap imartaa itisilernerqarpat pinngortitamut mingutitsinnginnerunermik kinguneqassaaq, aamma piffissamik sivikinnerusumik atuisoqalissaaq taamatullu angalasut mallertillugu silarlutsillunguluunniit qaqugukkulluunniit

ingerlaffingineqarsinnaangussalluni. Misissueqqissaarnissamut aningaasanik 200.000 koruuninik immikkoortitsisoqarpat nunami innuttaasunut tamanut iluaqutaassalluni.

Pisortanut aningaasatigut allaffissornikkullu kingunerisassat:

Pisortanut aningaasatigut allaffissornikkullu kingunerisassai §37 apeqqutiginikuusannut akissummi, 2021-153-mi misissueqqissaarnissamut 100.000 koruuninit aammalu 200.000 kr.-inik missaani aningaasartuuteqartoqassasoq nalilerneqarpoq.

Namminersorluni inuussutissarsiuteqarnermut aningaasatigut allaffissornikkullu kingunerisassat:

Kinguneqassanngilaq.

Innuttaasunut aningaasatigut allaffissornikkullu kingunerisassat:

Kinguneqassanngilaq.